



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 12. Nicephorus Patriarcha Imperatori resistit.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Antonius advenit, mentem suam Impe- Sæculum IX.
rator eidem aperuit & quæsit, an scri- A.C. 814.
ptum reperiretur, adorandas esse imagi-
nes. Antonius respondit: *Non est scri-
ptum, sed antiqua traditio esse dicitur.*
Ego vero, respondit Imperator, *nunquam
adducar, ut adorem, nisi in Evangelio vel
in Sancto Paulo disertis verbis scri-
ptum legerim: adorete imaginem meam.*

§. XII.

*Nicephorus Patriarcha Imperatori
resistit.*

Hanc rem usque ad mensem Decem-
brem secretam tenuerunt. Tunc
vero Imperator, omnibus ut existima-
bat satis præparatis, Patriarcham lenibus
primo verbis expugnare aggreditur, di-
cebat: *Adoratio imaginum populo scan-
dalo est. Credit, nos illas colendo pecca-
re, & hanc esse causam, cur ab Infideli-
bus vincamur. Dandum aliquid populo
est, mittamus rem nullius momenti, vel
produc argumenta cur eas adores, cum Sa-
cra Scriptura de iis fileat.* Patriarcha
respondit: *Antiquas Traditiones muta-
re non possumus. Imagines adoramus si-
cut Crucem & Evangelium, quamvis &
istud scriptum non sit.* Nam Iconocla-
stæ fatebantur, Crucem & Evangelium
adoranda esse. Interim Patriarcha,
comperto, quod Antonius Silæus Impe-

Sæculum IX. ratori consentiret, accersitum, num ve-
A. C. 814. rum id sit, interrogat. Negavit Anto-
 nius, deditque libellum sua manu scri-
 ptum apposita Cruce & sigillo, in quo
 profitebatur, se Imagines honorare, &
 contrarium sentientes anathematizabat.
 Hunc libellum præsentibus Metropoli-
 tis, qui forte aderant, tradidit; Impe-
 ratori autem id ei exprobranti dixit:
*Illusinus eis, Imperator, ut ea, quæ de-
 crevisti, liberius exequaris.*

Post hoc primum certamen cum Pa-
 triarcha Imperator ratus majoribus sibi
 opus esse auxiliis plerosque suarum di-
 tionum Episcopos convocavit, ut plures
 suæ opinionis fautores haberet. At
 priusquam Constantinopolim appelle-
 rent, omnes iussit custodiæ dari, ne pro-
 more antiquo neminem prius quam Pa-
 triarcham adirent. Tum illi, quos vo-
 luntati Imperatoris consensuros crede-
 bant, libertati restituebantur, obsistentes
 vero in carceres & tetros specus detru-
 si fame cruciabantur. Nicephorus Pa-
 triarcha intelligens cum Tyranno rem
 sibi esse, eo majori fervore preces ad
 Deum fundebat, & Catholicos ad con-
 stantiam exhortabatur. Porro congregatis
 in domum suam, quotquot potuit
 Monachis & Episcopis, noctem cum ipsis
 omnibus in majore Ecclesia inter preces
 consumpsit. Et tunc factum, ut conjici-
 cere

v. S. Niceph.
 Gr. to. 7.
 Boll. p. 712.

vit. Nicet.
 Gr. Boll. to.
 I. n. 32.

cere est, quod Patriarcha ambonem conscendens in Antonium Silæum tanquam prævaricatorem Anathema pronuncia-
 verit. Cum ad Imperatorem esset delatum, Episcopos & Monachos ad Concionem convenisse, metuens ne contra se malum procuderetur, antequam illucesceret, tempore quo galli cantare solent, ad Patriarcham misit, qui suo nomine quererentur, contra se seditionem commoveri, & mandarent, ut omnes, postquam illuxisset, venirent ad Regiam. Ipsi eo magis ad defendendam veritatem excitati sunt, eosque, finitis precibus, Patriarcha ferventi oratione in proposito confirmavit.

Tum omnes ad Regiam se conferunt. Imperator venienti Patriarchæ nec dextram porrexit, nec de more amplexus est, sed oblique intuitus confedit, & confidere quoque jussum, primo solum affatus est, sperans, ita facilius viri constantiam frangi posse. *Nibil aliud cupimus, inquiebat, quam veritatem cognoscere, & pacem reducere. An nescis multitudinem hominum, quibus imagines offendiculo sunt? His satisfieri alia via non potest, nisi ad Scripturæ Textus, quos afferunt, respondeatis. Volo igitur, ut missa omni mora cum ipsis hac de re conferatis. Si recusatis, liquido constabit cunctis, malam esse causam vestram.*

Patriar.

Sæculum IX.

A. C. 814.

to. 7. Conc. p.

195.

Sæculum IX. Patriarcha respondit: *Neutiquam nobis*
A. C. 814. *animus fuit contra te quemquam commo-*
vere, sed pro te preces ad Deum fudi-
mus, sicut Scriptura præcipit. Nemo
nobis ardentius pacem desiderat. Vos
autem pacem & quietem perturbatis.
Nam omnes hodie Ecclesiæ concordēs sunt.
An Roma in destructionem imaginum
consentit? () An Alexandria, aut An-*
tiochia, aut Jerosolyma? Noli, Augu-
ste, Hæresi dudum damnatæ & prostratæ
manum porrigere. Si quis tibi dubium
in Fide creavit, explicabimus & expla-
nabimus quod petis, ut muneris nostri ra-
tio exigit. At cum Hæreticis diu ante
convictis & anathematizatis disputare
non possumus. Ipsam vero materiam ag-
gressus coram Imperatore de Quæstione
Imaginum solide differuit.

§. XIII.

Episcopi Imperatori resistunt.

Ceteri deinde Episcopi & Abbates in-
trare jubentur, & ex adversa parte
Iconoclastarum Principes, qui in Regia
diversabantur, admittuntur. Optima-
tes quoque, totum Senatum, & Ministro-
rum

vit. S. Nicet.
6.5.n.32.33.

(*) Ex his Ecclesiæ Constantinopolitanæ & ceterarum Orientalium cum Romana in Doctrina concordia adversus Protestantes demonstratur.